

Član 2.

Kreditno zaduženje i garancija iz člana 1. ove odluke će se realizovati za potrebe izgradnje magistralnog vrelovoda na potezu stambeno naselje Simetrle – srednje škole Tešnja, u svrhu toplifikacije srednjih škola Tešnja.

Član 3.

Kreditno zaduženje iz člana 1. ove odluke realizovat će se pod slijedećim uslovima:

- Iznos kredita i garancije
po kreditu 600.000,00 KM,
- Rok otplate 7 godina,
- Grace period 6 mjeseci,
- Nominalna kamatna stopa 4% i
- Naknada za obradu zahtjeva jednokratno 1%.

Član 4.

U svrhu redovne otplate kredita Općina Tešanj je saglasna da se Razvojna banka Federacije BiH, u slučaju neispunjenja preuzetih obaveza, bez upozorenja, direktno naplati sa računa javnih prihoda Federacije Bosne i Hercegovine, i to iz dijela prihoda koji pripadaju Općini Tešanj.

Općina Tešanj će izdati bjanko potpisane i ovjerene mjenice sa ovlaštenjima za popunu, u skladu sa ugovorom koji će biti potpisan, po uslovima iz člana 3. ove Odluke, između Razvojne banke Federacije BiH i Općine Tešanj.

Član 5.

Ovlašćuje se Općinski načelnik da nakon realizacije kreditnog zaduženja posebnim sporazumom sa JP Toplana d.d. Tešanj definiše način vraćanja dijela kredita iz budžetskih sredstava do visine od 50% ukupne obaveze iz kreditnog zaduženja.

Sredstva cjelokupne garancije, koja uključuje i preuzeti dio obaveze do 50% sredstava ukupnog zaduženja, bit će planirana u budžetima Općine za period povrata kredita prema uslovima iz člana 3. ove Odluke.

Član 6.

Za izvještavanje i realizaciju ove Odluke zadužuju se Općinski načelnik i Služba za finansije i ekonomiju Općine Tešanj.

Član 7.

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Esmir Subašić, s. r.**

Broj: 01-02-1-4205-2/11.

Datum: 27.12.2011. godine

Na osnovu člana 124. tačka f) Zakona o zaštiti od požara Zeničko-dobojskog kantona ("Službene novine ZE-DO kantona", broj: 5/11), a u vezi sa članom 8. Zakona o principima lokalne samouprave u Federaciji BiH („Službene novine Federacije BiH“, broj : 49/06) i člana 14. Statuta općine Tešanj ("Službeni glasnik općine Tešanj", broj: 11/07) Općinsko vijeće Tešanj na svojoj 34. sjednici održanoj dana 21.12.2011. godine, donijelo je

**ODLUKU
o naknadama za vatrogastvo**

Član 1.

Ovom Odlukom utvrđuju se: obveznici, naknade, način prikupljanja, namjena sredstava i rokovi plaćanja.

Član 2.

Obveznici naknade iz prethodnog člana određeni su po kategorijama, i to:

I kategorija:

- preduzeća koja se bave prometom nafte i naftnih derivata,
- preduzeća koja se bave prometom plina,
- preduzeća –proizvođači hemijskih supstanci,

II kategorija:

- preduzeća registrovana kao dionička društva,

III kategorija:

- preduzeća sa ograničenom odgovornošću (metalna, drvna, tekstila),
- preduzeća koja se bave veletrgovinom izuzev preduzeća iz I,II kategorije,

IV kategorija:

- sva druga preduzeće sa ograničenom odgovornošću izuzev preduzeća iz I,II i III kategorije.

- ispostave i poslovnice javnih i drugih preduzeća,

V kategorija:

- J.U. - zdravstvene, obrazovne, kulturne i sportske,

VI kategorija:

- zanatske, trgovačke, ugostiteljske radnje, agencije, knjigovodstveni servisi, uredi, mikrokreditne organizacije.

Član 3.

Pravna lica koja imaju formiranu vlastitu profesionalnu vatrogasnu jedinicu nisu obavezni plaćati naknadu.

Član 4.

Naknada obveznika iz člana 2. ove Odluke, određuje se godišnje po tarifi, kao i prema požarnom opterećenju i požarnom riziku objekata, i ona iznosi:

- za I kategoriju visina naknade iznosi 500,00 KM,
- za II kategoriju visina naknade iznosi 450,00 KM,
- za III kategoriju visina naknade iznosi 350,00 KM,
- za IV kategoriju visina naknade iznosi 90,00 KM,
- za V kategoriju visina naknade iznosi 60,00 KM,
- za VI kategoriju visina naknade iznosi 25,00 KM.

Član 5.

Sredstva koja će se ostvariti iz naknada po osnovu ove Odluke, koristit će se isključivo za:

- 1) nabavku vatrogasne opreme, tehničkih i drugih sredstava za vatrogasne jedinice,
- 2) stručno obučavanje i osposobljavanje vatrogasaca i održavanje opreme i vatrogasnih sredstava,
- 3) investicionu izgradnju i opremanje objekata za potrebe vatrogasnih jedinica.

Član 6.

Utrošak sredstava naknade za vatrogastvo vrši se na osnovu godišnjeg Plana prihoda i rashoda naknade za vatrogastvo.

Plan utroška naknade za vatrogastvo donosi se do 31. decembra tekuće za narednu godinu.

Član 7.

Naredbodavac po sredstvima naknade za vatrogastvo je Općinski načelnik.

Računovodstvene i knjigovodstvene poslove naknade za vatrogastvo vodi Služba za finansije, privredu i inspekcije.

Član 8.

Administrativno-stručne poslove koji se odnose na prikupljanje sredstava naknade za vatrogastvo, praćenju troškova namjenske upotrebe sredstva naknade za vatrogastvo vrši Služba civilne zaštite.

Član 9.

Naknadu iz člana 4. ove Odluke, obveznici su dužni platiti na žiro račun Budžeta općine u korist naknade za vatrogastvo po ispostavljenom rješenju o određivanju naknade.

Član 10.

Služba civilne zaštite će, po stupanju na snagu ove Odluke, do 30. aprila tekuće godine (za koju se izdaje rješenje) izdati Rješenja za obveznike naknade za vatrogastvo.

Član 11.

Ranije donešena Odluka o osnivanju općinskog Fonda za vatrogastvo općine Tešanj, broj: 01-02-1-3743-2/07 od dana 27.06.2007.godine („Službeni glasnik općine Tešanj“, broj:6/07) ostaje na snazi do završetka naplate potraživanja za 2008. i 2009. godinu.

Član 12.

Odluka o utvrđivanju visine naknade za obezbjeđenje sredstava Općinskog fonda za vatrogastvo općine Tešanj, broj: 01-02-1-3744-14/07 od dana 31.10.2007. godine, („Službeni glasnik općine Tešanj“, broj: 9/07) stavlja se van snage sa 31.12.2011. godine.

Član 13.

Ova Odluka stupa na snagu narednog dana od dana objavljivanja u "Službenom glasniku Općine Tešanj", a primjenjivat će se od 1. januara 2012. godine.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Esmir Subašić, s. r.**

Broj: 01-02-1-4192-2/11.

Datum: 27.12.2011. godine

Na osnovu člana 2. i 3. stav 2. Zakona o komunalnim djelatnostima („Službene novine ZDK“ broj 17/08), člana 8. Zakona o principima lokalne samouprave u FBiH („Službene novine FBiH“ broj 49/06) i člana 14. Statuta Općine Tešanj („Službeni glasnik Općine Tešanj“ broj 11/07) Općinsko vijeće Tešanj na svojoj 34. sjednici održanoj dana 21.12.2011. godine, donijelo je

O D L U K U

**o izmjenama i dopunama Odluke o
komunalnom redu i sanitarnom minimumu**

Član 1.

U Odluci o komunalnom redu i sanitarnom minimumu („Službeni glasnik Općine Tešanj“ broj 3/10) u članu 141.:

- stav 1. tačka 31. mijenja se i glasi „ako postupa suprotno odredbama člana 49. stav 2.“;
- u stavu 1. tačka 78. broj „6“ zamjenjuje se brojem „5“;
- u stavu 1. tačka 80. broj „138“ zamjenjuje se brojem „128“.

Član 2.

U članu 143.:

- stav 1. tačka 3. mijenja se i glasi „ako postupa suprotno odredbama člana 95. (izuzev tačke 11)“.

Član 3.

Ova odluka stupa na snagu narednog dana od dana objavljivanja u „Službenom glasniku Općine Tešanj“.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Esmir Subašić, s. r.**

Broj: 01-02-1-1767-7/10.

Datum: 27.12.2011. godine

Na osnovu člana 14. Statuta Općine Tešanj („Službeni glasnik Općine Tešanj“ broj 110/7) Općinsko vijeće Tešanj na svojoj 34. sjednici održanoj dana 21.12.2011. godine, donijelo je

O D L U K U

**o izmijeni i dopuni Odluke o kriterijima, načinu i
postupku raspodjele sredstava
nevladinim organizacijama**